

Festival di 'Un Canto pa nos Himno y Bandera', dedica na Tipico Ola Tropical

STA. CRUZ—'Fundacion Un Canto pa nos Himno y Bandera' ta reconoce tres persona e aña aki y un banda Tipico, e banda Tipico cu e festival lo ser dedica na dje e aña aki ta Tipico Ola Tropical cu ta cumpliendo 20 aña di existencia e aña aki. Ola Tipico Tropical a ser funda dia 15 di Maart 1986. Un grupo di hobennan talentoso a uni pa yuda engrandece y promociona nos musica tipico di Aruba lanzando varios LP.; tambe disco 45 den decada 80 y 90. Den e añanan cu a pasa Tipico Ola Tropical a gana varios premio, entre otro e premio di "Mo Tito y Rufo

Wever" pa e mihor Tipico y tambe a wordo premia como e Tipico di decada 90. A participa y gana varios festivalnan organiza, manera Festival di Canto pa Himno y Bandera, Festival di Tumba Tipico. Tambe

nan a presenta den casi tur nos hotelnan y ta acompaña nos gruponan di baile na ora di nan presentacion den Hotel. Solo di Pueblo ta desea Tipico Ola Tropical tur clase di exito pa futuro.

